

中華民國七十六年六月臺一版

清詩話訪佚初編 (九)

精裝一冊基價 一二·〇元正

版權



所有

主編者：杜松柏

發行人：高本釗

發行及印刷所：新文豐出版公司

公司：臺北市雙園街九十六號
電話：三〇六〇七五七·三〇八八六二四
門市部：臺北市羅斯福路一段二十號八樓
電話：三四一五二九三·三四一五二九四
臺北郵政三六四三信箱
登記證：局版臺業字第〇六四九號
郵政劃撥：〇一〇〇四四二一六號

清詩話訪佚初編 (九)



名媛詩話 四卷

清沈善寶著

〇〇〇一

雁山詩話 二卷

清梁章鉅撰

〇二〇九

吳興詩話 八卷

清戴 璐著

〇三四一—〇五五六

名媛詩話

名媛詩話

清沈善寶著，共四卷。善寶字湘佩，錢塘人，生平身世不詳。

善寶因南宋以還，詩話之中，頗載閩秀之作，而嘆其簡略，後見淡仙詩話多有閩秀詩，復感於閩秀之工詩者極難，有詩而能傳者爲尤難，故蒐拾蒐輯，恐秀句佳章之湮沒，有負慧心蘭質之低吟也。觀其書未上下古今，採採他書，可見乃採訪所錄，倍爲難得矣！

名媛詩話卷一

錢塘沈善寶湘佩著

受業會稽宗

康校字

自南宋以來各家詩話中多載閨秀詩然蒐采簡畧
備體而已昔見如皋熊淡仙女史所著淡仙詩話內
載閨秀詩亦少竊思閨秀之學與文士不同而閨秀
之傳又較文士不易蓋文士自幼卽肄習經史旁及
詩賦有父兄教誨師友討論閨秀則旣無文士之師
承又不能專習詩文故非聰慧絕倫者萬不能詩生
於名門巨族遇父兄師友知詩者傳揚尙易倘生於

蓬篚嫁於村俗則湮沒無聞者不知凡幾余有深感焉故不辭摭拾蒐輯而爲是編惟余拙於語言見聞未廣意在存其斷句零章話之工拙不復計也

同里顧和知

若璞

前明上林苑丞友白女副車黃茂

梧室諸生黃熾母著有卧月軒詩文集文多經濟大篇有西京氣格常與閨友宴坐則講究河漕屯田馬政邊備諸大計每夜分執卷吟諷曰使吾得一意讀書卽不能補班昭十志或可詠雪謝庭嘗於食頃作七夕詩三十七首一時歎其敏妙和知早寡侍舅孝

訓子嚴暮年纂黃氏宗譜立義田年九十無疾終節
行文章爲吾鄉閨秀之冠惜文集早經散佚擷芳集
言之甚詳池北偶談正始集俱載之詩如和夫子西
溪落梅云迤邐入西溪溪流深幾曲斷岸挂魚簪茅
檐覆修竹翠羽何啁啾滿林香撲簌晴雪飛殘英坐
愛傾蟻綠鹿門跡未湮與子同歸宿湖上云湖光渺
渺冷煙微水鷺沙鷗竚不飛恰欲抱琴輕別去芰荷
分綠上羅衣

歙縣畢韜文

著

隨父宦游薊邱父與流賊戰死屍爲

賊擄衆議請兵復仇韜文謂請兵則曠日賊且知備
卽於是夜率精銳劫賊營賊正飲酒兵至駭甚韜文
手刃其渠衆遂潰追之多自相踐踏死乃輿父屍而
歸葬於金陵時韜文年祇二十後適崑山王聖開裙
布荆釵無復往時義勇氣矣余讀其傳而慕之傳爲沈來
遠作紀事詩云吾父矢報國戰死於薊邱父馬爲賊乘
父屍爲賊收父仇不能報有媿秦女休乘賊不及防
夜進千貔貅殺賊血漉漉手握仇人頭賊衆自相殺
屍橫滿阡溝父體輿櫬歸薄葬荒山陬相期智勇士

慨爲同賊仇蟻賊一掃盡國家固金甌韜文此事與
前明道州遊擊將軍蕭山沈雲英事同雲英隨父宦
道州守備父與賊戰力盡爲賊所殺雲英卽率兵入
賊壘斬賊首搶父屍而歸固守城池賊兵不敢窺伺
事聞於朝卽勅雲英爲道州守備尋升遊擊將軍辭
不受扶柩歸里授經課讀爲生聞國亡赴水以殉爲
母救免終身疏布不言國事

山陰商嗣音

景徽

徵士徐咸清室著有咏離堂詩草

嗣音年八十容貌如二十許猶吟詩讀書不衰詩如

子夜歌云弄水恐湔裙采蓮畏傷手花欹半面粧願
得花間藕五彩織薰籠爐灰皎如雪不棄爇殘香爲
愛心中熱深得樂府體裁女昭華伊壁諸生駱加采
室著有徐都講詩集工楷隸善丹青幼承母教名重
一時爲毛西河太史高弟塞上曲云朔風吹雪滿刀
鏹萬里從戎何日還誰念沙場征戰苦將軍今又度
陰山

山陰祁修媽

德瓊

前明祁忠惠公

彪佳

女諸生王鰥

叔室母商媚生夫人

景蘭

姊歿英

德淵

著有靜好集

妹湘君

德蒞

諸生沈萃社室著有寄雲草一門風雅

皆有才名修媽和黃皆令遊密園云十年往事悲星

散千里交情共月圓歟英云繞徑黃花歸故里滿堤

紅葉送秋聲湘君新粧云一奩秋水寒無影十樣春

山淡有痕嫂氏會稽朱趙壁

德容

諸生祁奕禧室送

黃皆令回鄉云青青楊柳枝飄搖大道旁大道多悲

風遊子瞻故鄉執杯送行客淚下沾衣裳憶昔弭遠

棹明月浮景光杯觴極良宴歌舞開華堂好鳥得其

侶舉翼雙翱翔膠漆兩不解金石安可方分袂起倉

猝永夜生悲傷吳山何渺渺越水何茫茫芙蓉憑秋
波熠燿吐幽芳採以奉所思所思難可忘

秀水黃皆令

媛介

楊世功室著有湖上草如石閣漫

草楷摹黃庭經畫法吳仲圭幼字楊楊久客不歸會
有大力者艷其才欲奪之父兄勸改字誓不可卒歸
楊順治初城破同楊播遷於吳越間名噪兩浙每至
西泠僦居斷橋小樓賣詩畫以自給稍有餘便不作
也自敘云家世中落生蓼長荼饑不食邪蒿之菜倦
不息曲木之陰其品學可想湖上秋日云憂危只有

客心微羸得湖光蔽竹扉囊有千詩聊寄賞家無四
壁亦懷歸青山斷處饒紅葉黃菊開時少白衣近水
陰晴容易變忽驚風雨打窗飛姊皆德媛貞立秋云
涼到半庭分夏去夢將一字許秋成

莆田黃漢薦

幼藻

孝廉林恭卿室前明通判議女與

妹漢官

幼蘩

俱擅才名而漢薦尤工文章夫亡以清

節稱著有柳絮編咏孤雁一律沈着悲涼詩云渺渺
高秋外長空一雁遲哀鳴關底事淡遠寫相思瘦馬
征夫淚迴文少婦詩明年樓上過莫向夕陽時漢官

詠月五古云清切空階月相依欲二更寂喧非一致
千秋同此明蕭蕭庭中女俯仰觸中情對此令人遠
况乃兼秋聲淺深各有感今昔甯無驚秋在孤雲外
愁從何處生人生有代謝萬物有衰榮茫茫乾坤裏
相積爲愁城欲挽西江水一洗襟懷清虛窗來素影
清淚落寒檠兩人詩筆頗清似工於愁者

嘉定侯儷南

秦宜

詩生龔元侃室前明文節公

岐會

女著有宜春集儷南遭家變歸龔貧甚閉門辟纒有
借隱之志人稱梁孟高風病中述懷云秋風策策

來遲病况纏綿強自支有藥難醫貧到骨無錢可買
命如絲燕臺夢隔三千里槐枕腸回十二時兒女關
情誰判遣聊憑一紙寄君知妹若英

懷風

感昔云黃

河流水響潺潺當日腥風戰血殷大地盡拋金鎖甲
長星亂落玉門關居延蔓草縈枯骨太液芙蓉失舊
顏成敗百年流電疾蒼梧遺恨不堪攀感慨沉雄各
極其妙

無錫龔鵠紅

靜照

前明殉難中翰

佩潛

女工書善畫

所適不偶境甚淒楚乙丑歲暮雪窗感成云謝庭咏

絮記承歡極目沉香付逝湍。去國事存翻野史。孤臣
魂斷返遙灘。攤書讀映晴光異。煮茗嘗嫌水味寒。高
卧未妨衾獨擁。小鬟驚報雪漫漫。清明云桃花春水
漾。愁紅作意新苔繞。畫櫳酒覺多情偏。入夢花憐有
劫尙隨風。難消蠹癖依干帙。未了蠶絲結一叢。幾念
先人青塚路。紙錢飛蝶隔墻東。贈周寶燈女史序云
寶燈名炤。江夏人。父某爲山東按察司僉事。死闖賊
之難。炤嘗作悼懷賦。後歸漢陽。李生以篤自寫坐月
浣花圖。圖末小印篆曰絡隱。蓋又字絡隱。云詩云藥